



Broj: 11-19-11-2-3593-VIII/25

Datum: 18.12.2025. godine

Na osnovu člana 43., a u vezi sa članom 45. stav (3) Zakona o unutrašnjim poslovima Federacije Bosne i Hercegovine ("Službene novine Federacije BiH", broj 81/14), čl. 25., 69. i stav (2) tačka d) i 70. stav (4) Zakona o javnim nabavkama ("Službeni glasnik BiH", br. 39/14, 59/22 i 50/14), te prijedloga Komisije za provođenje otvorenog postupka nabavke uniformi i dijelova uniformi za potrebe Federalne uprave policije, v.d. direktor Federalne uprave policije, donosi

ODLUKU

o poništenju postupka Javne nabavke uniformi i dijelova uniformi za LOT 8 - nabavka kompleta za nošenje oružja i pripadajuće futrole

1. Poništava se postupak Javne nabavke uniformi i dijelova uniformi za LOT 8 – nabavka kompleta za nošenje oružja i pripadajuće futrole, iz razloga što od ponuđača nije zaprimljena prihvatljiva ponuda.
2. Ova Odluka objavit će se na web stranici Federalne uprave policije, www.fup.gov.ba, u skladu sa članom 70. stav (6) Zakona o javnim nabavkama.
3. Ova Odluka stupa na snagu danom donošenja.
4. Za izvršenje Odluke zadužuje se Sektor za finansije i javne nabavke.

Obrazloženje

Federalna uprava policije je provela otvoreni postupak Javne nabavke uniformi i dijelova uniformi, po obavještenju o nabavci broj: 1412-1-1-286-3-189/25 od 14.11.2025. godine i ispravci obavještenja o nabavci, broj: 1412-1-1-286-8-204/25 od 05.12.2025. godine.

Procijenjena vrijednost nabavke iznosi 1.281.972,28 KM bez PDV-a.

Procijenjena vrijednost Javne nabavke uniformi i dijelova uniformi za LOT 8 – nabavka kompleta za nošenje oružja i pripadajuće futrole iznosi 5.500,00 KM bez PDV-a.

Komisija za provođenje otvorenog postupka nabavke uniformi i dijelova uniformi za potrebe Federalne uprave policije (u nastavku teksta: Komisija) je dana 08.12.2025. godine izvršila otvaranje ponuda o čemu je sastavljen Zapisnik o otvaranju ponuda, koji ima sve elemente propisane članom 63. stav (4) i (5) Zakona o javnim nabavkama, dok je dana 15.12.2025. godine sačinjen Zapisnik o pregledu i ocjeni ponuda u skladu sa članom 65. Zakona o javnim nabavkama.

U postupku pregleda i ocjene ponuda za Javnu nabavku uniformi i dijelova uniformi za LOT 8 – nabavka kompleta za nošenje oružja i pripadajuće futrole, Komisija je utvrdila da je za navedenu nabavku u određenom krajnjem roku za dostavljanje ponuda pristigla jedna ponuda i to od ponuđača KM Trade d.o.o. Visoko, broj: 0412-8 od 04.12.2025. godine, sa ponuđenom ukupnom cijenom od 5.500,00 KM bez PDV-a, a koja ponuda je ocijenjena kao nepravilna, iz razloga što ne ispunjava uslove tražene tenderskom dokumentacijom. Naime, tačkom 15.3. Tenderske dokumentacije propisana je obaveza dostave vizuelno i laboratorijski ispitanih uzoraka, na način da svi dijelovi moraju biti ispitani vizuelno i laboratorijski, te dostaviti dokaze o istom (Izveštaji, atesti i prateći dokumenti), a traženi uzorci uopšte nisu dostavljeni u sastavu ponude ponuđača KM Trade d.o.o. Visoko, broj: 0412-8 od 04.12.2025. godine. S obzirom na naprijed navedeno, Komisija je utvrdila da je ponuda ponuđača KM Trade d.o.o. Visoko za LOT 8 – nabavka kompleta za nošenje oružja i

pripadajuće futrole, nepravilna, odnosno da nije u skladu sa Tenderskom dokumentacijom, te je u skladu sa članom članom 8. stav (2) tačka c) Pravilnika o uspostavljanju i radu komisije za nabavke („Službeni glasnik BiH“ broj: 103/14 i 49/23) predložila poništenje postupka navedene nabavke, a što je konstatovano u Zapisniku o pregledu i ocjeni ponuda od 15.12.2025. godine.

Razmatrajući prijedlog Komisije, v.d. direktor Federalne uprave policije donosi Odluku kako je navedeno u dispozitivu.

Pouka o pravnom lijeku: Protiv ove Odluke se može podnijeti žalba ugovornom organu, Federalnoj upravi policije, u dovoljnom broju primjeraka, u roku od 10 (deset) dana od dana prijema ove Odluke.

DOSTAVITI:

1. Sektoru za finansije
i javne nabavke,
2. Ponuđaču,
3. a/a.-

**V.D. DIREKTOR
(Načelnik SKP-a)
GLAVNI INSPEKTOR**

Enes Zeljković